



Error! Not
a valid
filename.

AUSTRHEIM KOMMUNE

Møtebok Kommunestyret

Møtedato: 12.05.2022
Møtested: Kilstraumen Brygge
Møtetid: 10:45 - 12:00

Frammøtte medlemmer	Parti	Rolle
Per Lerøy	AP	Ordfører
Ann Kristin Leirvåg	AP	Medlem
Monika Thorpe	AP	Medlem
Hardy Pedersen	AP	Medlem
Reidar Ulvøy	AP	Medlem
Britt Mary Skaalevik Lerøy	AP	Medlem
Inger Lise Brekke	H	Varaordfører
Morten Sognnes	H	Medlem
Aslak André Bakke	H	Medlem
Helge Dyrkolbotn	KRF	Medlem
Anne Dahle Austrheim	KRF	Medlem
Randi Keilegavlen Dyrøy	KRF	Medlem
Reidar Øksnes	SP	Medlem

Forfall meldt frå medlem:	Parti	Rolle
Rikke Heldal Hope	H	Medlem
Bjørn Inge Håland Dyrkolbotn	SP	Medlem
Lise Renate Helle	SP	Medlem
Marita Terese Bru	BIA	Medlem

Frammøtte varamedlemmer:	Parti	Rolle
Jan Nordø	BIA	Varamedlem
Magnus Kvingedal	H	Varamedlem
Gro Kaland	SP	Varamedlem
Linda Helen Skålevik Syslak	SP	Varamedlem

Desse møtte frå administrasjonen:

Bjørnar Fjellhaug, Ketil Tjore, Monika Kvamme, Odd Harald Dommersnes, Rolf-Henning Myrmel, Thomas Lindås, Trine Merete Jansen

Austrheim 23. mai 2022

Per Lerøy
ordfører

Ketil Tjore
møtesekretær

Saksliste

Saksnr	Tittel
028/22	Godkjenning av innkalling og saksliste
029/22	Godkjenning av møteprotokoll
030/22	Meldingar
031/22	Orienteringssak
032/22	Godkjenning av avtale med stiftinga Miljøfyrtårn
037/22	Tilleggsføring til prosjektet for opprusting av skulane Kaland og Årås

Sakspapir

Saksnr	Utvalg	Type	Dato
028/22	Kommunestyret	PS	12.05.2022

Sakshandsamar	Arkiv	ArkivsakID
Kristin Nesbø	FE-033	22/570

Godkjenning av innkalling og saksliste

Framlegg til vedtak:

Innkalling og sakliste vert godkjent

Kommunestyret - 028/22 - 12.05.2022

KS - behandling:

Ordførar Per Lerøy (Ap) spurte om det kunne leggst fram ei eiga sak om løyving til skulane/prisar. Dette sa kommunestyret ja til, den vart handsama til sist i møtet.

Handsaming i kommunestyret:

Kommunedirektøren sitt framlegg vert samrøystes vedteke

KS - vedtak:

Innkalling og sakliste vert godkjent.

Ny sak om løyving til skulane/prisar kjem til sist i møtet.

Saksopplysninger:

Sakspapir

Saksnr	Utvalg	Type	Dato
029/22	Kommunestyret	PS	12.05.2022

Sakshandsamar	Arkiv	ArkivsakID
Kristin Nesbø	FE-033	22/570

Godkjenning av møteprotokoll

Vedlegg

Protokoll - Kommunestyret - 07.04.2022

Protokoll - Kommunestyret - 11.05.2022

Framlegg til vedtak:

Møteprotokoll frå forrige møte vert godkjent

Kommunestyret - 029/22 - 12.05.2022

KS - behandling:

Jan Nordø (Bygdelista) ba om at det vart retta i protokollen frå sist at det var Jan Erik Espelid som hadde møtt for partiet.

Møtesekretæren noterte rettinga.

Handsaming i kommunestyret:

Kommunedirektøren sitt framlegg vert samrøystes vedteke, med retting om Espelid/Bygdelista.

KS - vedtak:

Møteprotokoll frå forrige møte vert godkjent, med retting om Espelid/Bygdelista.

Saksopplysninger:

Sakspapir

Saksnr	Utvalg	Type	Dato
030/22	Kommunestyret	PS	12.05.2022

Sakshandsamar	Arkiv	ArkivsakID
Kristin Nesbø	FE-033	22/570

Meldingar

Underliggende saker

Saksnummer	Tittel
030/22.1	Austrheim kommune - budsjett 2022 og økonomiplan 2022 - 2025
030/22.2	Bergen brannvesen - årsmelding 2021

Framlegg til vedtak:

Meldingane vert tekne til orientering

Kommunestyret - 030/22 - 12.05.2022

KS - behandling:

Økonomi- og personalsjef Odd Harald Dommersnes orienterte om brevet frå Statsforvaltar i høve budsjett 2022 og økonomiplan 2022 - 2025.

Handsaming i kommunestyret:

Kommunedirektøren sitt framlegg vert samrøystes vedteke

KS - vedtak:

Meldingane vert tekne til orientering

Saksopplysninger:

Sakspapir

Saksnr	Utvalg	Type	Dato
031/22	Kommunestyret	PS	12.05.2022

Sakshandsamar	Arkiv	ArkivsakID
Kristin Nesbø	FE-033	22/570

Orienteringssak

Framlegg til vedtak:

Ordfører og kommunedirektør får fullmakt til å skriva høyringsuttale til reforma innan fristen 1. juni. Høyringsuttalen frå kommunen kjem som melding til kommunestyret.

Kommunestyret - 031/22 - 12.05.2022

KS - behandling:

Kommunedirektør Bjørnar Fjellhaug orienterte om innspel til politireforma.

Kan ikkje venta fleire kontor, men at det er tilgjengeleg personell og at patruljane er synlege i distriktet.

Kommunedirektør ba om at ordfører og kommunedirektør får fullmakt til å skriva høyringsuttale til reforma innan fristen 1. juni.

Ordfører Per Lerøy sa at regionen vil kommentera at kontoret på Hosteland i praksis ikkje er bemanna, og at det gjev lang uttrykkingstid til Gulen, Solund og Masfjorden. Må vera mogleg å ha kontor der, og etterforska saker andre stader. Slik kan ein få ned uttrykkingstida til ytre deler av regionen.

Om ein hadde kontor i Austrheim så ville det gitt ein base å jobba ut i frå, om så at den ikkje alltid var bemanna. Kan gjerne vera saman med brannvesen og anna blålys. Politiet kan også spara ressursar, ved at det ikkje er personell frå Flesland som skal handtera mannskapsskift på Mongstad.

Helge Dyrkolbotn (KrF) sa at det hadde vore naturleg med eit kontor i nordre delen av regionen.

Inger Lise Brekke (H) sa at det ikkje er kontoret som er viktigast, som uansett vil vera lite bemanna, men at politiet er delaktige og synlege i miljøet

Reidar Øksnes (Sp) sa at det er viktig å spissa denne uttalen.

Ordfører Per Lerøy (Ap) sa at det innspelet som vert gitt, også er i tråd med politiet sine ønskje. Det er ting å ta fatt i for politiet, mellom anna med tanke på bilkjøring.

Handsaming i kommunestyret:

Samrøystes for å gje ordførar og kommunedirektør fullmakt til å skriva høyringsuttale til reforma innan fristen 1. juni.

Høyringsuttalen frå kommunen kjem som melding til kommunestyret.

KS - vedtak:

Ordførar og kommunedirektør får fullmakt til å skriva høyringsuttale til reforma innan fristen 1. juni.

Høyringsuttalen frå kommunen kjem som melding til kommunestyret.

Saksopplysninger:

Sakspapir

Saksnr	Utvalg	Type	Dato
032/22	Kommunestyret	PS	12.05.2022

Sakshandsamar	Arkiv	ArkivsakID
Odd Harald Dommersnes	FA-K20	22/560

Godkjenning av avtale med stiftinga Miljøfyrtårn

Framlegg til vedtak:

Austrheim kommune blir partner i Miljøfyrtårnnettverket med dei forpliktingane dette inneber, slik at både offentlege og private verksemdar i kommunen kan sertifiserast som Miljøfyrtårn.

Kommunestyret - 032/22 - 12.05.2022

KS - behandling:

Økonomi- og personalsjef Odd Harald Dommersnes orienterte om saka.

Britt Mary Skaalevik Lerøy, Ap, spurte om det er rett tidspunkt no å ta partnarmedlemsskap, eller om ein skal venta, med tanke på om kommunen har ressursar til dette no.

Odd Harald Dommersnes svara at det er ikkje vil gå med meir ressursar enn i dag, men ein vil vera sertifisert til å godkjenna seg sjølv, og får ta del i fagsamlingar.

Helge Dyrkolbotn (KrF) støtta Skaalevik Lerøy (Ap) at ein kanskje kan venta. Det er ein kostnad her, Dyrkolbotn sakna at det økonomiske var utgreidd i saka her, og kva med den 40 prosent stillinga som er sett av til dette.

Odd Harald Dommersnes svara at den 40 prosent stillinga som koordinator for miljøfyrtårn har vore utlyst internt før tilsetting, og at det har vore orientert om dette tidlegare. Det er ei treårig prosjektstilling på 40%,

Jan Nordø (Bygdelista) sa at Bygdelista er positiv til dette, og støttar framlegget til vedtak. Ba om at bedrifter som skal ta oppdrag for kommunen skal vera miljøsertifiserte.

Per Lerøy (Ap) sa at det er innsparingar å henta i miljøarbeidet, redusert forbruk er reduserte kostnader. Miljøsertifiseringa kan også brukast i marknadsføring.

Reidar Øksnes (Sp) sa at ein del bedrifter kan vegra seg for å gje tilbod dersom det er krav om miljøsertifisering.

Inger Lise Brekke (H) sa at når kommunen først har starta med miljøsertifisering, så må ein halda på dette.

Jan Nordø (Bygdelista) sa at det i kommunen sitt område må jobbast med fleire aktørar som har store utslepp.

Reidar Ulvøy (Ap) støtta framlegget om å bli partner, og sa at ein må ligga frampå og jobba vidare med dette, og ikkje legga seg bakpå!

Handsaming i kommunestyret:

Kommunedirektøren sitt framlegg vert samrøystes vedteke

KS - vedtak:

Austrheim kommune blir partner i Miljøfyrtårnnettverket med dei forpliktingane dette inneber, slik at både offentlege og private verksemdar i kommunen kan sertifiserast som Miljøfyrtårn.

Saksopplysninger:

Bakgrunn

Verda står overfor betydelege og komplekse miljøutfordringar som krev omfattande innsats for å bli løyst. I tillegg til klimaendringar og klimagassutslepp, er det fleire kritiske miljøutfordringar som ein må handtere gjennom ein systematisk tilnærming. Næringslivet og kommune-Noreg satsar grønt som aldri før. Miljøfyrtårn er Noregs mest brukte miljøsertifiseringsordning – det er no over 8400 sertifiserte Miljøfyrtårn i Noreg. Dette syner at verksemdene ønskjer å ta ansvar og å vere ein del av løysninga og dette er blant anna takka vere kommunane sitt bidrag til ordninga. Miljøfyrtårn-ordninga er etablert av norske kommunar og partane i arbeidslivet for å bidra til at verksemdar reduserer miljøbelastninga si. Kommunane er heilt avgjerande i arbeidet med klima- og miljømål, både ved å motivere verksemdar til å ta klimaansvar og gjennom å feie for eiga dør, vise veg og stille klima- og miljøkrav. Dette er eit viktig vedtak og eit vesentleg bidrag for auka berekrafta i norsk arbeidsliv og for at Miljøfyrtårn-ordninga får ei brei geografisk forankring. Som partnarkommune, kan kommunen bruke Miljøfyrtårn som eit næringspolitisk verkemiddel ved å fremje ordninga som eit verktøy lokalt. Certifikatet som blir tildelt gjev verksemdar fortrinn ved at det er godkjent som miljødokumentasjon i anbodskonkurransar på linje med de internasjonale miljøleingsordningane EMAS og ISO 14001.

Sertifiseringsmynde for Miljøfyrtårnordninga vil i løpet av 2022 flyttast frå kommunane til eit eige selskap; CertNor. CertNor sikrar ein uavhengig og objektiv sertifisering av verksemdar som ønskjer å bli Miljøfyrtårn.

Vurdering

Tenesteproduksjonen til kommunen påverkar klima- og miljø. Kommunen kan redusere forbruket og utsleppa sine gjennom systematisk miljøleing. Samstundes kan kommunen syne veg overfor innbyggjarar, tilsette og næringslivet. Austrheim kommune skal vere bevisst eige miljøforbruk og hindre lokale og globale negativ miljøpåverknader. Gjennom kunnskap og innsikt om globale konsekvensar av eiga åtferd lokalt, skal kommunen styrkje eige arbeid med miljø og berekraft.

Mange kommunar og fylkeskommunar sertifiserast etter Miljøfyrtårns hovudkontormodell, som er eit verktøy for effektiv miljøleing. Det sertifiseringsarbeidet som no skjer i kommunen og som blir ferdigstilt hausten 2022, skjer etter hovudkontormodellen

Målet med å miljøfyrtårnsertifisera ein kommune med underliggande kommunale einingar og føretak, er å oppnå eit heilskapleg og tverrfagleg arbeid for ei meir miljø- og klimavenleg drift av kommunen som verksemd. Det er også eit mål å vise veg overfor kommunen sine

samarbeidspartnarar og å bygge kunnskap og kultur blant tilsette og brukarar. For å få til miljø- og klimaleiing som fungerer, må arbeidet institusjonaliserast, ikkje vere avhengig av einskiltpersonar sitt engasjement. Kommunen er komen godt i gong med å få dei einskilte einingane sertifisert i høve til å bli miljøfyrtårn. Neste steg er at kommunen vel å bli partner i Miljøfyrtårnnettverket. Kva betyr det så at kommune vert partner i dette nettverket?

Kommunen sine forpliktingar:

- Eit politisk vedtak om å bli partner innebere at ordførar eller ein annan representant frå kommunen deler ut miljøfyrtårndiplomet til sertifiserte verksemder som har tilhald i Austrheim.
- Det blir utnemnd ein miljøfyrtårnkoordinator i kommunen. Koordinator har ei dedikert nettside som gir god informasjon om miljøarbeidet. Koordinatoren vil også inviterer inn til årlege fagarrangement. Her vil vi ta opp emne som er relevante for kommunen. Kommunen har alt tilsett ein slik koordinator i 40 % stilling som dekkjer desse oppgåvene.
- •Kommunen betalar ein årleg lisens til Miljøfyrtårn gradert etter innbyggartal. Prisen for Austrheim kommune er i 2022 kr 1920,- får å vere partner.
- Kommunen må synleggjere på kommunen sine nettsider at kommunen er del av Stiftelsen Miljøfyrtårn sitt nettverk.
- Kommunen jobbar proaktivt med å få verksemder i kommunen til å Miljøfyrtårn-sertifiserast.

Stiftelsen Miljøfyrtårns forpliktingar:

- Miljøfyrtårn gir rettleiing/råd for diplomutdelingar og tips til korleis kommunen marknadsfører dette for lokalt næringsliv, i pressa og i sosiale medie.
- Miljøfyrtårn tek hand om bestilling av diplom til dei sertifiserte bedriftene, som så vert send til kommunen for å kunne delast ut.
- Representantar frå Miljøfyrtårn kan bidra i informasjonsmøte om Miljøfyrtårn, gjerne i samarbeid med næringsforeninga.
- Miljøfyrtårn gjennomfører to årlege faglege arrangement kostnadsfritt, der alle partnarkommunane blir invitert.
- Miljøfyrtårn kan bidra med fagleg kompetanse i korleis kommunen kan bruke innkjøpsmakta si til å krevje miljøleiing der det er føremålstenleg og forhaldsmessig.
- Miljøfyrtårn forvaltar sertifiseringskriteria slik at desse er i tråd med utviklinga i dei einskilte bransjane som ordningane dekkjer - også utover norske lover og føresegner. Miljøfyrtårn utviklar software og kursar våre interne konsulentar.
- Miljøfyrtårn oppdaterer fortløpande statistikk/oversikt over miljøsertifiserte verksemder i kommunen.

Konklusjon

Austrheim kommune skal aktivt fremja miljøsertifisering i det private næringsliv i kommunen, for å styrke konkurransedyktige verksemder og bidra til det grønne skiftet. Austrheim kommune skal vere ein miljøfyrtårnkommune, for på den måten å bidra til eit meir klimavenleg næringsliv. Dersom offentleg sektor skal krevje at næringslivet gjennomfører ressurskrevjande miljøtiltak, så må kommunen gå front som eit godt føredøme. Kommunedirektøren tilrår at kommunen gjer vedtak om å bli partner i Miljøfyrtårnnettverket.

Sakspapir

Saksnr	Utvalg	Type	Dato
037/22	Kommunestyret	PS	12.05.2022

Sakshandsamar	Arkiv	ArkivsakID
Ketil Tjore	FE-033	22/570

Tillegsløyving til prosjektet for opprusting av skulane Kaland og Årås

Framlegg til vedtak:

Kommunestyret utvidar ramma til 45,6 millionar kroner, til prosjektet for opprusting av skulane Kaland og Årås.

Kommunestyret - 037/22 - 12.05.2022

KS - behandling:

Handsaminga av denne saka skjedde bak lukka dører, jamfør Forvaltningslova § 13.2 og Forskrift om offentlige anskaffelser § 7-4.

Tilstades utanom kommunestyret var kommunedirektør Bjørnar Fjellhaug, einingsleiar teknisk drift Rolf Henning Myrmel, kommunalsjef forvaltning og service Thomas Lindås, kommunalsjef oppvekst og kultur Trine M. Jansen og møtesekretær Ketil Tjore.

Kommunalsjef Thomas Lindås viste til at det er viktig at handsaminga er lukka, det kan gje erstatningssøksmål og vil gjera konkurransen ugyldig om opplysningar kjem ut.

Kommunedirektør Bjørnar Fjellhaug sa at ein ikkje klarer å halda ramma med dei prisane som er komne inn, og at kommunestyret anten må kutta i prosjektet eller utvida ramma. Utvida ramme må inn i økonomiplanen, der ligg det 20 millionar i 2022 og resten må lånast i 2023.

Jan Nordø (Bygdelista) spurte om han kan diskutera saka med styret i partiet, fekk svar at det kan han ikkje.

Reidar Øksnes (Sp) viste til at vedtaket om å auka ramma vil vera ope, det stadfesta Fjellhaug.

Kommunalsjef Thomas Lindås sa at kva som er den samla ramma er ope, dette inkluderer eigeninnsats og er større enn tilboda. Men må vera forsiktige med å dela informasjon.

Rolf Henning Myrmel sa at ein har forlenga fristen for å gje anbod to gonger for å få tilbod, kommunen har vore aktive i marknaden for å få inn tilbod.

Dei som leverer seier at det er vanskeleg å få inn prisar frå underleverandørar, på grunn av usikkerheit i marknaden, og risiko for prisstiging frå tilbod til levering.

Har no to tilbod som er aktuelle, etter at ein har forhandla ned tilboda. Skal ha fleire møte før kontrakt, håpar det kan skrivast kontrakt i slutten av mai. Trur ein har skvisa dette ned så mykje som det er mogleg. Reknestykket no er 45,6 millionar, det er der ein står i dag. Trur at ein ny runde ikkje vil gje rimelegare prisar, har måtta jobba for å få tilbod i det heile.

Prisen inkluderer til saman ein million i opsjonar, som er riving av bygg, ventilasjonsanlegg og anna. Ser ikkje at dette bør takast ut av prosjektet. Er nokre kostnader på grunn av miljøfyrtårn-statusen, 95 prosent sortering for riving, biodiesel, elbilar for dei som skal kjøra til og frå arbeid, Ordførar Per Lerøy (Ap) viste til at kommunedirektøren rår til at ein utvidar ramma og gjer jobben skikkeleg når ein først er i gang.

Kommunedirektør Bjørnar Fjellhaug sa at alternativa er å ta vekk deler av prosjektet, då vert det å stoppa arbeidet med Kaland eller Årås. Ser at ein kan auka ramma med ti millionar til, men då må slutfaktura og siste låneopptak vera i 2023. Tilrår ikkje å ta ut ventilasjonsanlegg eller å venta med riving av bygg ein ikkje skal ha.

Inger Lise Brekke (H) spurte om tidlegare ramme, fekk til svar at den var 35 millionar kroner og aukar til 45. Brekke sa vidare at det er gambling å venta for å satsa på at prisane går ned igjen. Kven veit om prisane går ned igjen etter dagens situasjon.

Rolf Henning Myrmel sa at det er marginane for usikkerheiter ein har forhandla ned no med 6 millionar slik at utbyggar no har heile risikoen.

Reidar Ulvøy (Ap) spurte om entrepriserform, dette er totalentreprise svara Myrmel.

Reidar Øksnes (Sp) sa at det er viktig at dette med skulane vert gjort, slik at det er på plass for dei som ein ønskjer skal bu i Austrheim. Når det gjeld miljøsertifisering, vel ein firma som har dette, eller skal dei investera i dette no?

Øksnes sa vidare at det ikkje er sikkert at byggekosten går ned når krigen tar slutt, for då er det eit stort land som skal byggast opp igjen. Må berre gå i gang med dette no.

Rolf Henning Myrmel svara Øksnes at ein krev den miljøsertifiseringa som marknaden legg opp til, og det som er realistisk. Etterspør det som bedriftene alt har på plass, som biodiesel og elektriske bilar.

Reidar Ulvøy (Ap) spurte om deling mellom Kaland og Årås. Her svara Myrmel at han ikkje kan seia noko detaljert om delinga.

Inger Lise Brekke (H) spurte om økonomiske konsekvensar av dette. Kommunedirektøren svara at det må kanskje skyvast på andre investeringar, der 2023 vert eit tøft år med tanke på låneopptak.

Per Lerøy (Ap) viste til ein stoppa skuleutbygging på Kaland tidlegare før det var ferdig, og ba om ein unngår å gjera ting halvvegs. Rår til at ein slår til og gjer dette ferdig no. Viktig med gode skular, mellom anna for at familiar skal flytta til Austrheim.

Reidar Ulvøy (Ap) spurte kvifor ein ikkje har klart å få tilbod frå lokale tilbydarar. Her svara Myrmel at det er vore dialog med oppfordring til å komma med tilbod, og har gjeve utsette fristar for komma med tilbod, men dei lokale kasta inn handkledet og vil ikkje gje pris.

Gro Kaland (Sp) spurte om framdrift, her svara Myrmel at det varierte mellom januar 2023 og sommarferien 2023 i tilboda. Framdriftsplanen seier ferdigstilling til rundt påske 2023. Ønskjer ikkje så kort byggetid at det vert vanskar opp mot parallell skuledrift.

Gro Kaland (Sp) spurte om riving av Kaland 1, her svara Myrmel at det skjer i sommarferien eller i haustferien, skal klara dette på ei veke.

Anne Dahle Austrheim (KrF) sa at det kan finansierast med midlar frå sal av eigedomsselskapet, treng ikkje låna meir, men betala ned mindre på tidlegare gjeld.

Kommunedirektør Bjørnar Fjellhaug ba om at ein får svaret i dette møtet.

Inger Lise Brekke (H) ba om at det vart orientert i seinare møte kva følgjer denne omprioriteringa vil ha.

Britt Skaalevik Lerøy (Ap) sa at det er kommunen som er uheldig som skal bygga midt oppe i dette. Når det først skal gjerast, så er det viktig med god oppfølging undervegs i prosjektet.

Per Lerøy (Ap) sa at estimatet etter han syn var lågt, slik at reell kostnadsauke ikkje er så stor

Reidar Øksnes (Sp) sa at det er viktig at ein ikkje legg dette kostnadsnivået til grunn inn i framtidige kontraktar, for prisane vil gå nedover igjen, anten det er energi eller anna.

Per Lerøy (Ap) sa at han rår til at dette vert fullført som tilrådd.

Handsaming i kommunestyret:

Kommunedirektøren sitt framlegg vert samrøystes vedteke

KS - vedtak:

Kommunestyret utvidar ramma til 45,6 millionar kroner, til prosjektet for opprusting av skulane Kaland og Årås.

Saksopplysninger: